

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

10. Camelorum, in summa inedia, absq[ue] Duce, co[m]meatum Dei seruis portantium, prodigiosum iter.

urn:nbn:de:hbz:466:1-45653

tibus, unus diuina luce perfusus in hæc verba est locutus. Etsi mihi & viri illi, & eorum sedes incognita est, fortasse tamen consilium suggeram haud insalubre. Sunt tibi camelii septuaginta: his onera impone, & quicquid ad vitam seruorum Dei sustentandam necessarium est, è clitellis suspende: tum id facito, quod olim Philisthæ, iuxta consilium suorum Sacerdotum, nam tollentes duas vaccas, que lactabant vitulos, iunxerunt ad planstrum, vitulosq; earum conluserunt domi. Et posuerunt arcam Dei super planstrum, & capsellam, que habebat mures aureos, & similitudines anorum. Iabant autem in directum vacce, per viam, qua ducit Bethfames, & itinere uno gradiebantur, pergentes, & mugientes: & non declinabant neq; ad dexteram, neq; ad sinistram. Pari pacto tu cibarijs camelos onera, solosque, & duce destitutos, viæ committe. Quod si diuina hæc est voluntas, vt tuis opibus Ascetæ isti alantur, camelos tibi incolimes, codem numero, remittet. Sin ab Orco tibi horum animantium iactura imminet, satius est iumenta perdere, quam vitam. Qui enim te flagellauit, vt moneret duntaxat; vt puniat, penitus occidet. Dixit, & persuasit. Nec opulento tantum illi, sed omnibus pariter, qui aderant, sententia probata est.

1. Reg. 6. 10.

Nulla mora interposita, educuntur è stabulis septuaginta camelii clitellati, horum quinque fæno & auenâ in dorsum alligata, ceteris sexaginta quinque humanus varij generis cibus est superiniectus; ita non solum Dei seruis, sed ipsis etiam bestijs, qui illis seruierant, esca est suppeditata. Sic instructos septuaginta camelos, atque in via constitutos, non sine singulu fletuque, cœlesti custodiæ ac tutelæ solitus paterfamilias commendauit, &, sine duce, sine comite, quocumque ferrentur, liberè sibi abire permisit. Nullus homo bestias regebat; sed non etiam nullus Angelorum. Rectissimis enim lineis, per inuia & auia, tendebant ad cœnobium Eremicolarum. Quarto die, labore & inedia patientissime toleratis, eò peruererunt, atque ante fores, præ lassitudine, non iam steterunt, sed procubuerunt. Primo camelo, sicut & apud nos iumentis per pasca vagantibus, tintinnabulum ad collum erat appensum, vt ad eius sonitrum ceteri colligerentur. Sed tum, monachis, hora nona, hymnos psallentibus, tintinnabuli pulsus non audiebatur. Cantu nec dum absoluto, Frontonius Abbas, non proculab ostio claustræ degens, idem simul & Ianitor, & Antistes, occulto monitu, de fenestra prospexit, vi-

X.

I 2 dit.

dítq; diuinæ prouidentiæ liberalitatem: nec tamen hoc tantum diuinæ Bonitatis gaudium antè fratribus suis indicauit, quām Numini debitas laudes absoluissent. Redeuntes è choro ad se vocauit, monstratisque ordine camelis, ac oneribus sarcinísque eorum, dixit: Vbi sunt diffidentiæ, vbi murmurationes vestræ? En præsentem nobis Dominum! en Patrem, Bonitate sua, nobis incredulitatis vitium exprobrantem! Adeste, iumenta oneribus liberate, laf-
saque reficite.

X I.

Dici non potest, quantis lætitijs incesserint, quantis gaudijs sint inundati, in quantas Dei laudes effusi? Tum & ipsi, & cameli sunt cibis recreati. Quoniam autem plus attulerant, quām necesse erat modico viuere affuetis, noluit S. Frontonius occasio nem dare cupiditati habendi. Nec enim ex illa hominum classe fuit, quæ nunquam potest satiari, aut dicere, sufficit. Quare, die inscuto, camelos iterum media parte omnium rerum, quas apportarant, oneratos, & cum ijs avaritiam pariter à se ablegauit; Eulogias ad proprium Dominum remittens. Minus erat octo dierum, cum is expectauit, horis iam etiam singulis in dígitos mis-
sis, redditum camelorum: nec sine metu fuit tristitiaque amissorum. Ut quid enim bestiæ tam diu impastæ? An non leonum, aliarūmque belluarum famem potiùs, quām Eremitarum hominum satiauisse erant existimandæ? sine via, sine duce mittere, quæ prudentia? iamque consilium in quod priùs omnes pedibus iuerant, passim damnabant, pœnitibatque, rectè fecisse. Dies erat posterus & octauus, quo vicini amicique omnes ad Diuitem confluxerant, vt eius dolorem solantibus verbis lenirent, paritéque diuinam clementiam exorarent, ne tanta septuaginta camelorum iactura largissimæ eleemosynæ meritum compensaret. Ita moestis & iejunis omnibus vñā confidentibus, repente cœpit aura spirare: cum auræ sonitu, tintinnabuli sonitus, sed subobscurus, vni eorum ad aures allabebatur. Pressit vocem, & attentior videbatur sibi percipere sonum semper propinquorem, de montibus, aduenientem. Exclamat, Euangelium, Euangelium bono nuncio date: redeunt camelii. Exsurgunt omnes propere, quæ cuique proximum est, currunt, volant; vident, eodem agmine, ordine, numero, itinere, cunctos salutē redeuntes. Fit ingens clamor, &c, in tristitia locum, gaudia immensa succedunt: gloria Deo laudésque dantur. Hæc primus aspectus efficit. Ast vbi proprius ventus, tum læti-

tiæ